

OPĆI  
PROGRAMSKI  
CILJEVI NAŠE  
STRANKE:

- Otvoreno društvo
- Ekonomski rast
- Građanska prava
- Akademske slobode
- Naobrazba
- Radno pravo
- Sindikalna prava
- Prava neuposlenih
- Zabrana diskriminacije
- Borba protiv kriminala, korupcije i terorizma
- Zaštita djece
- Porodijsko odsustvo
- Briga za stare osobe
- Briga za osobe s onesposobljenjem
- Socijalna sigurnost za sve
- Zdravstvena zaštita za sve
- Sigurnost života na selu
- Mir, sigurnost i održivi razvitak
- Lokalna samouprava

U OVOM BROJU  
ČITAJETE!!!  
SADRŽAJ

Riječ uredništva! 1

Ko na to "kroji sudbine"?!! 1  
Blic vijesti!!!

Rad Opštinskog Vijeća 2

Aktivnosti OONS Bos. Petrovac 2

Vi pitajte, vijećnici neka saznaju!!! 2

Adresa i kontakt 2

# NAŠA STRANKA

## Opštinska Organizacija Bosanski Petrovac

IZDANJE BROJ 3

FEBRUAR, 2009. GODINE

## Ko nam to "kroji sudbine"!!

Evo već su prošla više od tri mjeseca od Lokalnih izbora! Neki su birali, neki su glasali, neki su rekli "briga me za politiku", pa evo izvolite dragi građani, potrudite se da ovi ljudi koje ste izabrali ili pak izglasali budu Vama na usluzi! Neka se brinu sa Vama, i neka se potrudite da svima bude bolje u ovoj našoj maloj varoši!

Načelnik Opštine Bosanski Petrovac za mandatni period 2008-2012 godina je **Ermin Hajder**, kandidat Naše Stranke.

U Opštinsko Vijeće je ušlo 17 vijećnika a to su:

1. **Slavko Bulajić** - SNSD
2. **Obrad Milošević** - SNSD
3. **Svetko Dukić** - SNSD
4. **Dušan Došen** - SNSD
5. **Grbić Tomica** - SNSD
6. **Milanko Milanović** - SNSD

7. **Nevzet Dervić** - SDA
8. **Mithad Hidić** - SDA
9. **Jasmin Didović** - SDA
10. **Zdravko Radošević** - NS
11. **Sead Kadić** - NS
12. **Jasmin Kavaz** - NS
13. **Muhamed Kartal** - SDP
14. **Mladen Santrač** - NSRzB
15. **Marinko Mrđa** - DNZ
16. **Muhamed Dračić** - SzBiH
17. **Boba Guteša** - SP

Opštinskim Vijećem predsjedava Obrad Milošević, a njegov zamjenik je Mithad Hidić. Sekretarka OV- a je Slobodanka Kecman, a zapisničarka je Amira Didović.

Da bi bolje shvatili međusobni odnos načelnika i opštinskog vijeća, mimo normalnih ljudskih odnosa, načelnik je izvršna vlast

a opštinsko vijeće predstavnička vlast. Moraju da funkcionišu na takav način da stvore jednu atmosferu rada i kompromisa, a ne atmosferu "navodnog političkog neprijateljstva" i nadglasavanja. I načelnik i Opštinsko Vijeće trebaju i u obavezi su da rade za dobrobit građana koji su ih izabrali, a u smislu razvoja, ekonomskog prosperiteta, socijalne zaštite, i svih onih bitnih pitanja za građane koji žive i rade u Bosanskom Petrovcu.

Sjednice vijeća su **JAVNE**, osim ukoliko to Vijeće ne odredi drugačije!

Vama na znanje je da se brinete i partite ljude koje ste izabrali.

**BUDUTE AKTIVNI UČESNICI U RADU LOKALNE SAMOUPRAVE!!!!**

E. Hidić

## Riječ uredništva!

Poštovani! građani i građanke!

Nakon dužeg vremena neobjavlivanja našeg informatora, ponovo smo, evo, sa Vama i nastojaćemo održavati kontinuitet ovog našeg informatora.

Nakon Lokalnih izbora 30. oktobra, preuzeli smo aktivno učešće u političkom životu našeg


grada. Samim tim smo preuzeli na sebe veliku obavezu da promijenimo odnose između lokalne samouprave i građana našeg grada. Jedan od prvih koraka je da Vas izvještavamo o tome šta se dešava na političkoj sceni Bosanskog Petrovca i šta to rade "naši opštinari"!

Na inicijativu načelnika u toku februara mjeseca održaće se vanredna sjednica Opštinskog Vijeća na temu nomadenja i bruceloze!!!


Vaše pravo je da budete informisani i da i vi aktivno učestvujete u stvaranju nove budućnosti našeg grada. Zato Vas pozivamo da svojim primjedbama, prijedlozima, kritikama, idejama... date svoje glas **boljem Bosanskom Petrovcu**. Obratite nam se u našoj kancelariji svaki radni dan od 9:00-14:00 h!

Do 24.02.2009 traje Javna Rasprava o Urbanističkoj gradnji ulice Safeta Hidića/ Trgovačka. Sve informacije u nadležnoj službi u periodu od 13-15 sati!!!

## Blic vijesti!



## STALNA RUBRIKA



## VI PITAJTE A VIJEĆNICI NEKA SE POTRUDE DA SAZNAJU ODGOVOR!!!

Poštovani građani  
ova rubrika je  
namjenjena isključivo  
Vama a direktno je  
vezana za redovnu  
tačku dnevnog reda:  
"Vijećnička pitanja i  
odgovori"

POSTAVITE PITANJE  
VIJEĆNICI ĆE  
TRAŽITI ODGOVOR!

# RAD OPŠTINSKOG VIJEĆA...

Od kada su sjeli na svoje vijećničke klupe vijećnici su održali 3 redovne sjednice Opštinskog Vijeća.

Prvu sjednicu su obilježile konstitucija opštinskog vijeća, izbor predsjedavajućeg i zamjenika predsjedavajućeg OV-a, te izbor i imenovanje članova radnih tijela OV-a. Već na prvoj sjednici dalo se primjetiti da će se svaki konstruktivan prijedlog osporavati od pojedinih vijećnika. Pojedini kandidati koji su imenovani u radna tijela OV-a, po stavu Naše Stranke, ne zadovoljavaju ni minimalne uslove da budu članovi u pojedinim radnim tijelima, i po svemu sudeći ponovo je prevagnula PODOBNOST a ne SPOSOBNOST! Zatim se nižu

različiti izvještaji Javnih Ustanova čiji je osnivač OV (Komunalno, Socijalno,...) koji su zauzeli vrijeme kompletne druge redovne sjednice.

Treća sjednica vijeća održana je u petak 30.01.09. Pozamašan material je raspoređen i ukupno je težio preko 700 g papira. Bitno je za napomenuti da je usvojen Načelnikov plan i program za mandatni period 2008/2012 gdje su obuhvaćena 4 bitna segmenta: ekonomski razvoj, socijalni aspekt, obrazovanje i infrastruktura. Usvojen je i nacrt budžeta za 2009 godinu koji iznosi 3.700.000 KM, gdje su znatno uvećana planirana sredstva za razvoj sporta 50.000 KM, zatim grant za manifestaciju "Dani krompira i

base".

Iako su svi bili saglasni da je vrijeme krize i ekonomske recesije na dnevnom redu je bila i inicijativa klubova vijećnika (SNSD, dio SDA (Mithad Hidić), DNZ, NSRZB, SP) za povećanje paušalnih naknada vijećnicima.

I ovaj put su pojedini vijećnici pokazali da im nije bilo bitno šta će građani misliti, te su uprkos opravdanim argumentima Načelnika, i njima na obraz izglasali ODLUKU O POVEĆANJU PAUŠALNIH NAKNADA!

Vijećnici Naše Stranke su glasali PROTIV ove odluke.

I još jednom je dokazano da je lični interes trenutna "vaga" razvoju Bosanskog Petrovac!

E. Hidić

## Evo nekih pitanja koja brinu Vijećnike i odgovora na njih. Da li na ta pitanja i Vi tražite odgovore? Dostavite Vaša pitanja u našu kancelariju!

- Službi za finansije, računovodstvo, razvoj i poduzetništvo: Molimo da nam dostavite spirak svih projekata koji se trenutno realiziraju na području opštine.

- ODGOVOR:

- **Vodovod Kapljuh - Janjila:** Ugovor potpisan 23.09.08, vrijednost projekta **378.777,70 KM**. Rok: 150 radnih dana. Finansiraju: USK 165.000 KM, Fed. Min. za poljoprivredu 200.000 KM i Opština Bos. Petrovac 13.777,00KM. Radovi obustavljeni zbog zime.
- **Izgradnja sekundarne faze kanalizacije zapadnog dijela grada** - Ugovor potpisan 08.02.08. vrijednost ugovora 292.548 KM, Rok: 75 radnih dana.. Finansiraju: USK 170.970,00; Opština 121.578,00 KM. Radovi obustavljeni zbog zime.

Između ostalih su još i projekat "Šalter Sala", Sanacija "Doma kulture"...

## Aktivnosti OONS Bos. Petrovac

Opštinska Organizacija Naše Stranke Bosanski Petrovac, i u ovoj godini i mimo izbornih aktivnosti, nastavlja raditi po planu i programu za 2009. Svakako nam je cilj obilazak svih mjesnih zajednica sa našim izabranim vijećnicima, redovna komunikacija sa građanima i naročito monitoring rada Opštinskog Vijeća i Načelnika. Opštinski Odbor održava svoje redovne sastanke, i Klub Vijećnika Naše Stranke, redovno se sastaje da razmatra pitanja i zauzme stavove povodom određenih tačaka dnevnog reda.

Naši vijećnici su već krenuli u obilazak MZ-a. Obišli su naselje Prkosi i MZ Bjelaj, te su razgovarali sa mještanima tih mjesnih zajednica o problemima koji ih tište!

Kancelarija Naše Stranke je otvorena svaki radni dan u period od 9:00-14:00, gdje se možete obratiti za bilo kakvu informaciju, a mi ćemo se potruditi da je pružimo.

Jedna od redovnih aktivnosti je i mjesečno izdanje informatora, pa Vas ujedno molimo da učestvujete u kreiranju istog sa svojim pismima, sugestijama, idejama...

## NAŠA STRANKA

Načelnikov blog  
<http://erminhajder.blogspot.ba>

## NAŠA STRANKA OO BOS. PETROVAC

BOSANSKA 121, 77250 BOS. PETROVAC BOSNA I HERCEGOVINA

Web : [www.bosanskiptetrovac.nasastranka.ba](http://www.bosanskiptetrovac.nasastranka.ba)

E-mail : [oo.bosanski.petrovac@nasastranka.ba](mailto:oo.bosanski.petrovac@nasastranka.ba)